

25H-1.

R 91



# JAM ELEKTRIÇIST

LLAMBRO RUCI

891983-1

R 91

5

LLAMBRO G. RUCI

# JAM ELEKTRIÇIST


- POEZI -

14855

~~44654~~

LISTEN E SHËNË  
MARRË

SHËNË BOTONJËSE «NAIM FRASHËRI»



## JAM ELEKTRIÇIST

1.

Mëngjezi me trastë mbi shpinë  
Më gjeti në rrugë dhe më tha:

— Ditën e mirë!

Unë rend vetmitar,  
Çapkën si një herë,  
Veç pikat e shiut


shkasin në fytyrë...

## 2.

Dua të ikij  
 Me linjën e tensionit të lartë.  
 S'ka gjë se rruga është e gjatë.  
 Se mes fijesh tensioni  
 Është thurur jeta ime,  
 Ëndra ime...

## 3.

Dhe ja arrij  
                     mes shokëve të mi...  
 Është e bukur jeta  
                     mes tyre.  
 Ditët  
 Nisen me trokun e turbinave  
 Dhe ngjiten  
                     majë shtyllave.  
 Ndofta kërkojnë  
                     melodi për këngët,  
 Për këngët e duarve  
                     për këngët e punës.



## TY RINI KANTIERESH, TË KËNDOJ!

Sot  
Mbi gjurmët e tua,  
Rini kantieresh, u përkula.  
Mbi gjurmët që le pas  
Duke përshkuar  
kilometra më këmbë,  
Duke lagur baltën me djersë.

Qeshu, rini e kantierit!  
Gazin e shpirtit  
derdhe mbi gurë e beton!  
Me vrullin e duarve të brumosura me punë  
Ktheji lumenjtë  
Në shtretërit e rinj  
përgjithmonë,  
Që vala e tyre të qeshet në turbina.



## KËNGË KANTIERESH

### I

Kësaj kënge  
Vendlindjen as unë s'ja njoh.  
Vetëm di se brodhi ndër kantiere,  
Herë pas here,  
Që këmbët mes baltës t'i çmpinte  
Dhe ujë me grushte  
Lumenjve të pinte.

Ti erdhe me libra ngarkuar  
Në dhomën tonë —  
Një barangë me letër katrama mbuluar,  
Ku era fërshëllente,  
Dhe shiu këndonte  
Për jetën e gjallë të kantierit.

Ne të shikuum...  
Ne kërkonim në sytë e tu të menduar  
Shokun tonë.  
Kishim dëgjuar...  
Se inxhinierët mbajnë kokën lart.  
Sy më sy vështruam njëri-tjetrin:  
«Ku na e prunë këtë?!»  
S'dinim shumë gjëra.  
S'dinim si bëhej kuvendimi  
Me kabllot shumëfijshe elektrike.  
Në skica e projekte s'ulej as më trimi.  
Ato na kallnin tmerr e frikë.  
Shumë ngadalë zinin vend në kokën tonë  
Ligjet...  
Vetëm ti buzëqeshje si gjithmonë  
Kur dikush s'dinte të përgjigjej.  
Dhe nisje prapë  
Me zë të shtruar:  
Ç'kish thënë Ohmi  
E Lenci ç'kishte shkruar...  
Megjithatë  
Ne ndruheshim nga ti,  
Gjersa një ditë  
Në shpirtin tënd shikuum  
Të tillë bukuri,  
Sa t'adhuruam jo, si dikur, si perëndi,  
Por thjesht: si një Njeri!

## II

Era frynte,  
Fort të shkundte  
Dhe të thoshte: prapa ktheu!  
Shih rrufenë  
Që mëdysh horizontin theu.  
Dëgjo shiun që çirret, hata!  
Si papagall, mbi mushama:  
Ktheu... ktheu... ktheu...

Por ti ikje.  
Ikje më këmbë  
Dhe s'të shkonte nëpër mend  
Që të ktheheshe,  
Pas të mbeteshe.  
Mushamanë  
Lë mënjanë  
Dhe nxiton, vrapon  
Më shumë.  
— Le të bjerë shiu me shtëmbë!

Ja tuneli —  
Djersa jonë.  
Gjith'me ujë vithisur ngeli.  
— Duhet futur!  
Motopompat në punë  
Sa më parë duhen vënë!

Me gjith' rroba  
Ti u hodhe.  
As u trembe  
As mendove  
Se ç'të priste.



Veç me mendje pëshpërisje:  
— Motopompat, motopompat...  
Dhe, kur dole,  
Buzëqeshje si gjithmonë.  
Ti nuk prisje  
Sipër duarsh të barisje.  
Veç kërkoje posht' të zbrisje.  
Një cigare me ne të ndizje.



## UDHËT E RINISË...

### I

1.

Një varg i gjatë  
Vullnetarësh,

buzëqeshjesh,  
kazmash

Janë rrjeshtuar  
Përbri trasesë së piketuar...